

## ZAPISNIK

sa 15. vanredne sjednice Senata Univerziteta održane 16.10.2009. godine sa početkom u 8,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

*Sjednici su prisustvovali slijedeći članovi Senata:* prof.dr. Admedina Savković, prof.dr. Edin Delić, prof.dr. Mirsad Đonlagić, prof.dr. Snježana Marić, prof. Vlado Kerošević, prof.dr. Nevzeta Salihović, doc.dr. Mirela Duranović, doc.dr. Amir Tokić, prof.dr. Zlata Mujagić, prof.dr. Branimir Mikić, prof.dr. Alija Biberović, prof.dr. Enver Halilović, doc.dr. Bego Omerčević, prof.dr. Izet Alić, prof.dr. Farid Ljuca, prof.dr. Elmir Čičkušić, doc.dr. Hajro Kofrc, prof.dr. Fehim Dedagić, prof.dr. Salih Kulenović, prof.dr. Abdulah Bašić, prof.dr. Izet Žigić, prof.dr. Mirjana Radić i Denis Talović, student.

*Sjednici nisu prisustvovali:* prof.dr. Srđan Vukadinović, prof.dr. Reuf Kapić, prof.dr. Izudin Kešetović, prof.dr. Aljo Mujčić, prof.dr. Lejla Begić, prof.dr. Ramiz Šelo, prof.dr. Izudin Hasanović, prof.dr. Muhamed Bijedić, Ismet Pirić, dipl.ecc., Edin Eminović i Azra Tinjić, studenti.

*Osim članova Senata sjednici su prisustvovali:* Jasmina Berbić, dipl.pravnik – generalni sekretar Univerziteta i Mirsada Delić, dipl.pravnik – sekretar Senata.

Rektor Univerziteta čestitao je na izborima i zaželio dobrodošlicu prof.dr. Edinu Deliću – v.d. prorektora za pitanja NIR-a i prof.dr. Enveru Haliloviću – v.d. dekana Filozofskog fakulteta. Istovremeno, predložio je a Senat prihvatio da se predloženi dnevni red proširi sa tačkom 1. Verifikacija mandata novim članovima Senata Univerziteta u Tuzli, a predložena tačka 1. da bude tačka 2., nakon čega je za ovu sjednicu utvrđen slijedeći

### DNEVNI RED

1. Verifikacija mandata novim članovima Senata Univerziteta u Tuzli:

- v.d. prorektoru za pitanja naučno-istraživačkog rada Univerziteta u Tuzli,
- v.d. dekane Filozofskog fakulteta Univerziteta u Tuzli.

2. Informacija o Rješenju Glavnog kantonalnog inspektora Ministarstva obrazovanja, nauke, kulture i sporta TK broj: 10/38-27468/09 od 15.10.2009. godine.

#### TAČKA 1.

#### VERIFIKACIJA MANDATA NOVIM ČLANOVIMA SENATA UNIVERZITETA U TUZLI:

- v.d. prorektoru za pitanja naučno-istraživačkog rada Univerziteta u Tuzli,
- v.d. dekane Filozofskog fakulteta Univerziteta u Tuzli.

Na osnovu Odluka Senata Univerziteta u Tuzli broj: 03-300/07 od 24.01.2007. godine, broj: 03-152-2/09 od 21.01.2009. godine i broj: 03-3605-2/09 od 14.05.2009. godine, te Odluke Senata Univerziteta o izboru v.d. prorektora za pitanja naučno-istraživačkog rada broj: 03-7530-4/09 od 07.10.2009. godine i Odluke Naučno-nastavnog vijeća Filozofskog fakulteta broj: 02/5-8032.1.2/09 od 09.10.2009. godine, o izboru v.d. dekane Filozofskog fakulteta, Senat Univerziteta u Tuzli donio je

1.

## **ODLUKU**

**o verifikaciji mandata novim v.d. članova Senata Univerziteta u Tuzli**

### **I**

Verifikuje se mandat novim v.d. članova Senata Univerziteta u Tuzli, kako slijedi:

- **dr.sc. Edin Delić, vanredni profesor – v.d. prorektor za pitanja naučno-istraživačkog rada Univerziteta u Tuzli,**
- **dr.sc. Enver Halilović, redovni profesor - v.d. dekan Filozofskog fakulteta Univerziteta u Tuzli.**

### **II**

Verifikacija mandata v.d. članova Senata iz tačke I ove Odluke trajat će do usvajanja Statuta Univerziteta i imenovanja Senata Univerziteta u Tuzli u novom sazivu.

## **TAČKA 2.**

**INFORMACIJA O RJEŠENJU GLAVNOG KANTONALNOG INSPEKTORA  
MINISTARSTVA OBRAZOVANJA, NAUKE, KULTURE I SPORTA TK BROJ:  
10/38-27468/09 OD 15.10.2009. GODINE.**

Generalni sekretar Univerziteta informisala je Senat o Rješenju Glavnog kantonalnog inspektora Ministarstva obrazovanja, nauke, kulture i sporta TK, broj: 10/38-27468/09 od 15.10.2009. godine, kojim je naloženo JU Univerzitet u Tuzli kao pravnom licu, i prof.dr. Džemi Tufekčiću kao odgovornom licu, da stavi van snage Odluku Senata Univerziteta broj: 03-7926-1/09 od 09.10.2009. godine, te da organizuje redovnu nastavu na svim fakultetima/Akademiji Univerziteta u Tuzli.

Nakon obavljene iscrpne rasprave u kojoj je učestvovala većina članova Senata, a o čemu postoji i tonski zapis, Senat Univerziteta u Tuzli donio je

2.

## **ODLUKU**

**o stavljanju van snage Odluke Senata Univerziteta u Tuzli od 09.10.2009. godine**

### **I**

Stavlja se van snage Odluka Senata Univerziteta u Tuzli broj: 03-7926-1/09 od 09.10.2009. godine.

2.1.

## **ODLUKU**

### **I**

Nastavlja se nastava od ponedjeljka, 19.10.2009. godine na svim fakultetima/Akademiji Univerziteta u Tuzli i na svim studijskim godinama u akademskoj 2009/2010. godini.

### **II**

Zadužuju se dekani fakulteta/Akademije Univerziteta u Tuzli, da prema utvrđenom rasporedu održavanja predavanja i izvođenja vježbi, osiguraju izvođenje nastave.

**2.2.**

## **ZAKLJUČAK**

Zadužuje se Stručna služba Univerziteta u Tuzli, da u ostavljenom roku izjavi žalbu na Rješenje Glavnog kantonalnog inspektora Ministarstva obrazovanja, nauke, kulture i sporta TK, broj: 10/38-27468/09 od 15.10.2009. godine, na način da se u obrazloženju žalbe iznesu sve činjenice i stavovi izneseni u raspravi po navedenom Rješenju.

**2.3.**

## **ZAKLJUČAK**

Zadužuje se Stručna služba Univerziteta u Tuzli, da od Ministarstva obrazovanja, nauke, kulture i sporta TK zatraži mišljenje o načinu postupanja odnosno načinu primjene u praksi odredaba Zakona o visokom obrazovanju ("Službene novine TK" broj: 8/08), Zakona o Univerzitetu u Tuzli ("Službene novine TK" broj: 9/08), do pribavljanja saglasnosti na Statut Univerziteta u Tuzli sa decidnim navođenjem odredaba iz zakona, a koje se mogu primijeniti samo kumulativno sa Statutom.

**2.4.**

## **ZAKLJUČAK**

Senat Univerziteta u Tuzli, poziva predsjednika Skupštine TK, premijera Vlade TK i ministricu Ministarstva obrazovanja, nauke, kulture i sporta, na zajednički sastanak, koji bi se održao u prostorijama Univerziteta u utorak, 20.10.2009. godine, u cilju zajedničkog prevazilaženja aktuelne problematike i nesmetanog rada Univerziteta u Tuzli.

Drugih pitanja i informacija nije bilo pa je sjednica Senata Univerziteta u Tuzli završena u 11,00 sati.

**ZAPISNIK SAČINILA**

**PREDSJEDNIK  
SENATA UNIVERZITETA**

**Mirsada Delić, dipl.pravnik**

**Dr.sc. Džemo Tufekčić, red.prof.**

**UNIVERZITET U TUZLI**

**Broj: 03-8280-1/09.**

**Tuzla, 16.10.2009. godine**